

OKVIRNOG SPORAZUM
za nabavku usluga održavanja i servisiranja službenih motornih vozila
LOT 3

između:

Bosne i Hercegovine, Ureda za reviziju institucija Bosne i Hercegovine, ul. Tešanjka 24a/29, Sarajevo, kojim rukovodi glavni revizor Hrvoje Tvrtković (u daljnjem tekstu: Ugovorni organ),
i

UNITRADE d.o.o., ul. Hrvatskih kraljeva 23, Ljubuški, JIB: 4272095990007, koga zastupa direktorica Branka Vučić (u daljnjem tekstu: Dobavljač).

I. PREDMET OKVIRNOG SPORAZUMA

Član 1.

Predmet ovog Okvirnog sporazuma je utvrđivanje uslova realizacije nabavke pružanja usluga održavanja i servisiranja službenih vozila za potrebe Ugovornog organa, za LOT 2 - nabavka usluga održavanja i servisiranja službenih vozila marke „Peugeot 301“, prema opisu navedenom u Aneksu IIb tenderske dokumentacije, a nakon provedenog postupka javne nabavke usluga putem konkurentskog zahtjeva za dostavu ponuda, sa namjerom zaključivanja okvirnog sporazuma sa jednim Dobavljačem, u skladu sa važećim odredbama Zakona o javnim nabavkama („Službeni glasnik BiH“, broj 39/14, 59/22 i 50/24) i odabira ponude Dobavljača br. 2803-3/2025 od 28. 3. 2025. godine.

Član 2.

Integralni dio ovog Okvirnog sporazuma je i ponuda – Aneks IIb - Obrazac za cijenu ponude.

II. ZAKLJUČIVANJE POJEDINAČNOG UGOVORA ILI ISPOSTAVLJANJE NARUDŽBENICE

Član 3.

Ugovorni organ će Dobavljaču ispostaviti narudžbenicu za nabavku pružanja usluga održavanja i servisiranja službenih vozila iz člana 1. ovog Okvirnog sporazuma, na osnovu uslova utvrđenim u ovom Okvirnom sporazumu i ponudi Dobavljača.

Član 4.

Pri zaključivanju pojedinačnih ugovora ili ispostavljanju narudžbenica na osnovu ovog Okvirnog sporazuma, ugovorne strane ne smiju mijenjati bitne uslove ovog Okvirnog sporazuma.

Član 5.

Dobavljač se obavezuje da će u roku od 24 (dvadesetčetiri) sata nakon prijema narudžbenice od strane Ugovornog organa pružiti uslugu iz člana 1. ovog Okvirnog sporazuma. Dobavljač je dužan Ugovornom organu za svaku pruženu uslugu ispostaviti račun. Uz svaki račun dužan je priložiti pregled - ime i prezime korisnika, vrstu usluge, datum činjenja usluge i registarski broj vozila.

III. TRAJANJE OKVIRNOG SPORAZUMA

Član 6.

Ovaj Okvirni sporazum zaključuje se u trajanju do 12 (dvanaest) mjeseci.

IV. CIJENA OKVIRNOG SPORAZUMA

Član 7.

Ukupna vrijednost Okvirnog sporazuma za održavanja i servisiranja službenih vozila iznosi 1.816,48 KM bez PDV-a, odnosno 2.125,28 KM sa PDV-om, a prema specifikaciji, okvirnim količinama i cijenama navedenim u ponudi.

Član 8.

Jedinične cijene navedene u ponudi su fiksne za cijeli period trajanja ovog Okvirnog sporazuma i nisu predmet bilo kakve promjene tokom izvršenja ovog Okvirnog sporazuma, izuzev u slučaju ispunjenja uslova propisanih članom 75. Zakona o javnim nabavkama („Službeni glasnik BiH”, br. 39/14, 59/22 i 50/24).

V. KOLIČINA NABAVKE

Član 9.

Ovaj Okvirni sporazum ne predstavlja obavezu Ugovornog organa da izvrši nabavku usluga ili da u potpunosti realizuje predmetnu nabavku usluga, te s obzirom na karakter usluga, stvarno realizovane usluge na osnovu ovog Okvirnog sporazuma mogu biti jednake ili manje od predviđene okvirne količine nabavke, a ovisno od standarda održavanja vozila, odnosno potreba Ugovornog organa, kao i preporuka Dobavljača i stanja vozila.

VI. USLOVI I MJESTO PRUŽANJA USLUGA

Član 10.

Usluge iz člana 1. ovog Okvirnog sporazuma Dobavljač će pružati u poslovno-servisnom objektu, na adresi: Unitrade d.o.o. Sarajevo, Pijačna 60C.

Član 11.

Servis će biti u potpunosti opremljen adekvatnom opremom neophodnom za pravovremeno servisiranje. Dobavljač raspolaže rezervnim dijelovima i posjeduje sistem skladišta koji će obezbjediti raspoloživost svih potrebnih dijelova.

VII. USLOVI, ROK I NAČIN PLAĆANJA

Uslovi plaćanja

Član 12.

Ugovorni organ će plaćanje Dobavljaču vršiti po realizovanoj usluzi/uslugama po dostavljenoj fakturi i zahtjevanoj pratećoj dokumentaciji, koja se ispostavlja na osnovu izdate narudžbenice od strane Ugovornog organa, na račun Dobavljača:

Naziv Banke: Raiffeisen banka

Broj računa: 1610200043970004

Rok i način plaćanja

Član 13.

Rok plaćanja po dostavljenoj fakturi iz člana 12. Okvirnog sporazuma iznosi 30 dana.

VIII. OSTALI USLOVI OKVIRNOG SPORAZUMA

Garantni rok

Član 14.

Dobavljač se obavezuje da za pružene usluge i ugrađene rezervne dijelove/potrošni materijal daje Ugovornom organu garanciju za usluge u trajanju od 12 (dvanaest) mjeseci od dana pruženih usluga, a za ugrađene rezervne dijelove/potrošni materijal od dana ugradnje, prema garantnom periodu proizvođača.

Član 15.

Dobavljač se obavezuje da:

- usluge servisiranja vrši kvalitetno i stručno;
- osigura potrebna sredstva rada;
- osigura potrošni materijal i rezervne dijelove;
- dostavi pismenu garanciju na usluge i rezervne dijelove/potrošni materijal;
- osigura potrebni broj kvalitetnih izvršilaca;
- poslove koji su predmet ovog sporazuma vrši prioritarno;
- pruži usluge otklanjanja kvarova na terenu (hitne intervencije);
- u slučaju proširenja obima radova kontaktira predstavnika Ureda za reviziju institucija BiH i od njega dobija pisanu saglasnost za izvršenje dodatnih radova;
- u slučaju vanrednog servisa koji nije predviđen specifikacijom, dobavljač se obavezuje da će ugraditi potrebni dio sukladno tržišnoj cijeni istog i cijeni norme sata;
- eventualne reklamacije otkloni u predviđenom roku;
- uredno vodi evidenciju i istu dostavi na uvid Uredu za reviziju institucija BiH.

Član 16.

Ukoliko Dobavljač u toku trajanja garantnog roka ili eventualne pismene reklamacije od strane Ugovornog organa propusti da u roku od 24 sata od prijema pismenog izvještaja o oštećenju i nedostacima, utvrdi nedostatak i isti ne otkloni, te ne popravi oštećenje ili zamjeni rezervni dio novim i ispravnim, Ugovorni organ može:

- popraviti oštećenje ili otkloniti nedostatak sam ili dati drugom na teret troškova Dobavljača, ili
- raskinuti Okvirni sporazum.

IX. ZAVRŠNE ODREDBE

Izmjene/raskid i istek Okvirnog sporazuma

Član 17.

Bilo kakva izmjena Okvirnog sporazuma može se napraviti samo u pisanom dogovoru između sporazumnih strana.

Član 18.

Okvirni sporazum prestaje istekom perioda trajanja iz člana 6. ovog Okvirnog sporazuma izvršenjem, ili raskidom. Okvirni sporazum je izvršen u trenutku izvršenja svih plaćanja.

Član 19.

Ugovorni organ može raskinuti Okvirni sporazum u roku od trideset (30) dana od upućivanja pismene obavijesti Dobavljaču, u slučajevima:

- ako Dobavljač ne pruži uslugu u skladu sa gore navedenim uslovima,
- ako Dobavljač postane nesolventan ili bankrotira,
- ako iz svojih razloga odluči prekinuti Okvirni sporazum.

Član 20.

Dobavljač može raskinuti Okvirni sporazum u roku od trideset (30) dana od upućivanja pismene obavijesti Ugovornom organu, u slučaju:

- ako Ugovorni organ ne izvrši plaćanje za pruženu uslugu, u skladu sa uslovima Okvirnog sporazuma.

Rješavanje sporova

Član 21.

- (1) Sporazumne strane su saglasne da će eventualne sporove koji mogu nastati u realizaciji ovog Okvirnog sporazuma riješiti sporazumno, u duhu dobrih poslovnih običaja.
- (2) Ukoliko eventualne sporove ne budu mogle riješiti sporazumno, prihvataju stvarnu i mjesnu nadležnost Općinskog suda u Sarajevu.

Zakoni

Član 22.

Na sva pitanja koja nisu regulisana ovim Okvirnim sporazumom primjenjuju se odredbe važećih zakonskih i podzakonskih propisa.

Član 23.

Okvirni sporazum je zaključen u 4 (četiri) identična primjerka od kojih svakoj od Ugovornih strana pripadaju po 2 (dva) primjerka.

Član 24.

Okvirni sporazum stupa na snagu danom potpisivanja od strane Dobavljača i Ugovornog organa.

**ZA DOBAVLJAČA:
DIREKTORICA**

**ZA UGOVORNI ORGAN:
GLAVNI REVIZOR**

Branka Vučić

Hrvoje Tvrtković

Broj:
Datum, godine

Broj:08-16-5-338-30/25
Datum, 21.5.2025. godine